



Saddex bille ka faalloodaa
arrimaha jaaliyadda
Soomaalida Netherlands

WARGEYSKA
FSAN

CADADKA & DAABACAADDA 24AAD | 01 JULY 2022

#24



**FSAN oo dooratay
maamul cusub**

TUSMO

FSAN oo dooratay maamul cusub	3
Salado Ali Malin oo la gudoonsiiyey abaalmarinta boqortooyada Netherlands	4
Bahjo “2 arrimood oo is biirsadaya ayaa u sabab ahaa aasaaska Jamaal Elmi Foundation” [WAREYSI]	5
Tababarka tabarayaasha (TOT)	6
Dib u tababarid	6
Fariinta FSAN ee joojinta gudniinka gabdhaha	7
Wadashaqayn Pharos	7
Soomaalida Netherland oo dabaal degaya sanadguuradii maalinta dhalinyarradda Soomaaliyed .	7
SSHO oo ku guuleysatay abaalmarinta ka qeybgalka arrimaha bulshada	8

FSAN oo dooratay maamul cusub



Ururada Soomaalida ee xubnaha ka ah dallada FSAN ayaa maanta 22-05-2022 doortay guddi maamul oo cusub oo ay yeelato dallada saddexda sanno ee soo socda, ka dib doorasho daah-furan oo maanta lagu qabtay magaalada Amstersam ee caasimada dalka Netherlands.

Maamulka cusub oo ka kooban shan xubnood, ayaa saddex ka mida dib loo doortay, halkan labada kale ay cusub yihiiin. Maamulka cusub ayaa balan qaaday inay dardargelin doonaan howsha dallada, iyagoo wada-shaqeyn ka dalbaday dhamaan ururada xubnaha ah.

Guddiga cusub ayaa kala ah;

- Mohamed Abdullahi (Askari), gudoomiyaha FSAN.
- Ahmed Abdulwahab (Yarisow), xisaabiye.
- Amal Omar, xoghayn.
- Abdulkadir Ali Nuune, xubin.
- Mohammed Osman Guure, xubin.

Doorashada ka hor, ayaa maamulkii hore waxa ay ka warbixiyeen waxqadkii dallada muddadii ay joogeent, iyagoo ku amaanay ururada xubnaha ah howlaha ay ka hayaan magaalooyinka ay ka dhisan yihiiin iyo xiriirka wada-shaqeyneyd ee ay leeyihiiin dallada FSAN.

Gudoomiyahii hore FSAN Ali Ware ayaa inta aysan dhicin doorashada waxa uu codsaday inuu masuuliyadda uu hayo uu baneenayo maadaama buu yiri loo baahan yahay isbedel iyo wejiyo cusub, isagana uu muddo soo hayey xilkan gudoomiyaha FSAN.

Waxa uu sheegay in guddiga maamulka uu yahay mid ku shaqeeya iska-wax u qabso oo muhimada ay tahay in dadka Soomaalida wax loo qabto.

Guddiga cusub ayaa 13-kii Juun si rasmiya ula wareegay maamulka dallada xaflad kooban oo ka dhacday magaalada Denhaag oo labada gudoomiye ku kala wareegeen howsha.

Gudoomiyahii iyo xoghayahii hore ee FSAN Ali Ware iyo Mohammed Said ayaa shalay macsalaameeyey dallada iyagoo u rajeevay maamulka cusub inuu Alle la garab galoo masuuliyadda ay qabteen oo u baahan feejignaan iyo in la isku hayo xubnaha ururada ka tirsan FSAN.

Maamulkii hore ayaa looga mahadceliyey howshii adkeyd ee ay u hayeen jaaliyadda Soomaalida Netherlands, iyagoo weliba si bilaash ah ugu adeegayey dadkooda.

Salado Ali Malin oo la gudoonsiiyey abaalmarinta boqortooyada Netherlands



Guddiga maamulka iyo dhamaan howlwadeenada dallada FSAN waxay u hambalyeenayaan Salado Ali Malin oo bishii April la gudoonsiiyey abaalmarinta ay bixiso boqortooyada Netherlands ee (Lid in de Orde van Oranje-Nassau), taasoo ay ku muteysatay kaalinta firfircoon ay ka qaataj arrimaha bulshada iyo jaaliyadaha dalkan.

Salado waxay gudoomiye u tahay ururka Iftiin oo xubin firfircoon ka ah dallada FSAN. Ururkeeda waxay door muuqda ku leeyahay caawinta iyo arrimaha wacyigelinta jaaliyadda Soomaalida ee ku dhaqan gobolka Limburg gaar ahaan magaaladda Roermond & agagaageeda.

Bahjo “2 arrimood oo is biirsadaya ayaa u sabab ahaa aasaaska Jamaal Elmi Foundation” [WAREYSI]

Bahjo Jamaal oo ka mid ah howl-wadeenada Hay'adda Jamaal Elmi Foundation ayaa ka warbixisay taariikhda & waxqabadka hay'adda Jamaal Elmi Foundation oo 11 sanno jirsatay.

Bahjo oo wareysi siisay wargayska dalladda FSAN, mar ay ka hadleysay hadafka loo aasaasay Jamaal Foundation waxay ku nuuxnuuxsatay in lagu maamuusay waxqabadkii, taariikhdi & doorkii shariifka ahaa ee uu lahaa aabaheed Jamaal oo ay ku tilmaantay inuu ahaa shaqsi bulshada qimo weyn ugu fadhiya, isla markaana ka shaqeyn jiray arrimaha samafalka.

“Hindisaha lagu aasaasay hay'adda Jamaal Elmi Foundation wuxuu ka yimid caruurtiisa, waxaa lagu aasaasay xaafada Ermelo ee waddanka Netherland, xilliga la aasaasay waxay ku beegneyd dabayaaqadii 2010-kii” Ayeey tiri Bahjo Jamaal oo intaasi raacisay in 2 arrimood oo isbiirsaday ay sabab u aheyd in hay'adda lagu maamuso Jamaal.



“Jamaal ALLAHA u naxariisto wuxuu geeriyooday 25-kii June 2006, isaga oo xilligaasi ku guda jira howl samafal ah oo u dad ku caawinayay, gaarigii uu la socday ayaa shil kula galay waddada u dhexeysa Afgooye & Garoonka Beli-doogle, jug culus ayaa madaxa ka gaartay, markii la keenay isbitaalkii loogu talogalay in caafimaadkiisa lagula tacaalo waxaa laga waayay isbitaalkii & Muqdisho oo dhan dhakhtar madaxa qaabilسان، inkastoo watigiisa inta uu ku ekaa haddana wuxuu u dhintay isaga oo waayay adeegii uu xaga u lahaa ama dhakhtar wax ka qabta xaaladiisa caafimaad.

Hadafkeenu wuxuu yahay in xaalada qabsatay Aabahaasi aysan ku dhicin muwaadin kale oo aan ka fikirno mustaqbalka in aan dhisno isbitaal u gaar ah qaliinka maskaxda & cudurada ku dhaca madaxa” Ayeey tiri Bahjo Jamaal, waxayna intaasi raacisay in hay'addu qeyb weyn ka qaadatay arrimaha gargaarka, waxbarashada & dhiiragelinta nabadda.

“Abaarahihii waddanka ka dhacay 2017 Jamaal Foundation waxay quudisay 150 qoys oo ka mid ah dadkii qaxootiga ahaa ee Muqdisho ku soo qaxay. Sidoo kale waxaan qabanay tartamo isboorti ah oo dhalinyarada amaaabayaasha cusub lagaga wacyigelinayo ka hortaga gudniinka gabdhaha;

Sidoo kale waxaan ka qeybqaadanay dhiiragelinta waxbarashada, Jamaal Foundation iyada oo taas ka duuleysa waxay deeq agabyada waxbarashada sida buugaagta, qalmaan & boorsooyin gaarsiisay goobaha waxbarashada” Ayeey tiri Bahjo Jamaal.

Bahjo mar la weydiiyay haddii ay jiraan howlo ay ka qabteen gudaha waddankan Netherland oo hay'adu ay ka dhisan tahay waxay sheegtay in barnaamij wacyigelin ka hortagga caabuqa carona in ay ku qabteen xaafad Ermelo 2021.

Bahjo waxay kale oo sheegtay in waxqabadka & howlaha ay qabato Jamaal Foundation laga daalacn karo shabakadda. <https://jamaalfoundation.org>



Tababarka tabarayaasha (TOT)

Waxaa tabar soconayey 19 & 26 Maars, 14 May & 4 juunyo loo soo gegebogebeeyey 8 tabarayaal oo hore ugu tirsanaa wacyigaliyaasha barnaamijka gudniinka gabdhaha.

Ujeedada tabarka waxay tahay inay siiyen dadka professionaalka ama xirfadlayaasha sida kuwa caafimaadka, iyo kuwa dhamaan hawlah bulshada wada barnaamijka cashara la xiriira gudniinka gabdhaha. Tabarayaasha waxay ka soo kala jeeda wadamada, Somalia, Sudan, Eritrea, Iraq Kurdis, Egypt.



Dib u tababarid

FSAN waxay sanadkasta u qabataa wacyigaliyaasha (sleutelpersonen) tababro aqontooda kor loogu qaadayo.

Maadama barnaamijkii gudniinka gabdhaha lagu kordhiyey tacadiyadda kale sida Guurka qasabka ah, carruurta/dhalinyaradda iyo xaasaska waddankooda lagu celiyo(Achterlating), iyo arrimaha kale ee la xiriira ilaalinta sharift qoyska.



(Eergerelateerd geweld) ayaa bilhii May iyo Juunyo tabaradaasi loo qabtay wacyigaliyaasha. Waaan ka soo qayb geli in ka badan 80 waxaana lagu qabtay lagu qabtay Amsterdam, Rotterdam iyo Deventer iyo online. Wixii hadda ka dambeeya wacyigeliyaasha aarimahan kor ku xusan waxay kala hadli doonaan bulshadooda. FSAN waxay tababaradan kala shaqeysay hay'adaha kala ah Pharos iyo xarumaha dhalinyarada iyo qoyska ee Rotterdam, Veiligthuis iyo GGD in Amsterdam, GGD Ijseellen/ Noord Oost Gelderland iyo Femmes for Freedom.

Fariinta FSAN ee joojinta gudniinka gabdhaha

FARIINTA JOOJINTA



GUDNIINKA GABDHABA



FSAN
Federatie Somalische Nederland

Maadaama waqtiga xagaaga lagu jiro waaladiin badana ay fasax galayaan, ayaa FSAN waxay bilowday obole lagu wacyigelinayo dadkaasi iyadoo loo marayo warbaahinta iyo baraha bulshada iyo shirar dhinac wacygelinta oo ay sameeyeen ururada.

Video:

Wadashaqayn Pharos

FSAN iyo ururo kale waxay kala shaqaynayaan Pharos diyaarinta ololaha wacyigelinta ku saabsan caadooyinka xun xun iyo barnaamijy kale oo ku saabsan barbaarinta carruurta iyo go'aan gaarista shaqsiga.



Soomaalida Netherland oo dabaal degaya sanadguuradii maalinta dhalinyarradda Soomaaliyeed



Kulan looga hadlayey maalinta dhalinyarradda Soomaaliyeed ee Dhallinyarada ayaa lagu qabtay magaalada Hague ee dalka Netherlands 15 May 2022 waxaana qabtay ururka SONECA oo gacan ka helaya GGD Haaglanden iyo degmooyinka degaanka ee Hague.

Masuuliyiin ka kala socota dowlada hoose iyo wasaarada arrimaha dibada Holland ayaa lagu martiqaaday shirka oo ku beegan sanadguuradii 78-aad ee ka soo wareegatay markii dalalka ay ku mideysan yihiin, kaasi oo ah dhaqdhaqaq uu dalka u horseeday in uu ka madaxbannaanaado awooddii gumeysiga.

SSHO oo ku guuleysatay abaalmarinta ka qeybgalka arrimaha bulshada

Ururka Soomaalida ee ka dhisan magaalada Haarlem iyo nawaaxigeeda SSHO ayaa ku guuleystay abaalmarinta ka geybgalka arrimaha bulshada (Participatieprijs), kaasoo ay codsadeen ilaa 13 urur oo soo gudbiyey hindisayaashooda.



SSHO waxay abaalmarintan ku heshay doorka muuqda ee ay ka qaadatay mashruuca Schalkwijk oo ah goob uu ururku si joogto ah isugu keeno dad ka soo kala jeeda jaaliyaddo kala duwan oo ay Soomaalida ku jirto, looguna sameeyo barnaamijyo qeyb ka qaadanaya horumarinta arrimaha bulshada.

Howlaha ugu waaweyn ee ay SSHO ka sameyso Schalkwijk waxaa ka mida ku barbaarinta labada dhaqan ee ubadka bulshooyinka ajaabinka ku ah dalkan Netherlands.

(SSHO) waxaa la aas aasay 2007 si ay bulshada soo galootiga uga qayb geliyaan arrimaha isdhixgalka bulshada iyo fahanka ku noolaanshaha dalka Netherlands.

Ururka SSHO waxa uu markii hore ku bilowday hindise ay sameeyeen tiro dhalinyaro arday ah oo markii dambe isku badelay urur caawiya oo taageera soogalootiga iyo qaxootiga meelo kala duwan ka yimid.

Mahad Axmed oo ka mid ahaa ardaydii dhidibada u taagtay SSHO in ka badan shan iyo tobant sano ka hor, ayaa hadda ah guddoomiyaha golaha sare ee SSHO, isla markaana u xilsaaran hawl maalmeedka ururka iyo Bashir iyo Hussein oo ah ayaguna lafdhabarka ururka..